

Политическ цäялгъврин кöдлмшиг улм öөдлүүлхмн

Дөрлдэнд авсн социалистическ даалгъвран күүцäхд селәнä эдл-ахун күүч-көлсчнр дунд öргär политическ цäялгъврин кöдлмш делгрүүлсн йилгүү ик чинртä болдгнь лавта медгднä. Энүг тоолад, тангъгчин райодин партийн комитетсин болн эклц партийн организацсин кегнь олн дунд политическ цäялгъврин кöдлмш келгэнд онц оньган тавцхәнä.

Яшалтинск, Приютненск, Западн райодт олна малд хойр джилд күүрх хот белдх болдж авсн даалгъвр диилвртä кевär күүцäгддждж йовна. Эн райодин партийн организацсн öвс хадлгэнд кергтä болх машинд, көлгд, нань чигниг күүцднь белдсн дээрән, олн күүч-көлсчнр дунд бүрдäмджин болн политическ кöдлмш кедж, теднд эн джил öмннь тавгдджджх төрмүдинь гүүнär цäялгъдждж öгв.

КПСС-н Яшалтинск района комитет öвс хадлгэнд белдхлärн, олн-дунд политическ болн культурн кöдлмш делгрүүлгьнä тодрха зура кедж батлв. Эн кöдлмш ода öвс хадлгьна бригадст шуд кегддждж йовна. Бригад болгэнд агитатормуд батлгдсн, тасрлтан угагъар кöдлмшән кеджәнä. Бригадст лекцс болн докладмуд дара-дара-ндан умшгднä, дөрлдэн делгүү кегддждж йовна.

Эн кевär Приютненск болн Западн райодт чигн политическ кöдлмш тиигдждж делгүү кегддждж йовна. Бригадст, фермст дөрлдәнä дигнь öдр болгьн кегднä, «цäклгьн», боевой листокс гаргьгднä, терүнднь öмн нүүрт йовх улсин дамшлтин тускар бичгднä. Района газетс

шишлнь «цäклгь» бас гаргьгьч хана.

Приютненск района газетин негдгч номертä «цäклгьнд» тракторист И. Савченко майин 19-д 70 гектар газрас öвс хадсна туск дамшлтнь бичгдв, энүнä дару гарсн номерт В. Сокиркина дамшлтин туск тодрхагъар келгдв. Иим «цäклгьн» эн райодт тасрлтан угагъар гарна, кöдлмшт эднä күүргджджх туснь йир ик.

Эн райодт үзмджин цäялгъвр сäәнär кегдджджәнä. Бригадст, фермст, селäдт плакатс, лозунгс бичдждж хадгддждж, цоксн зургин монтаж кегддждж, күүндлгьнä болн үзүүлгьнä доскс бäәнä.

Политическ цäялгъврин кöдлмш делгүү кегддждж йовхин ашднь олна малд хотин бат көрнь бүрдäлгьнд күүч-көлсчнрин чидл-күүчнь тусхагддждж диилвр күүцäгддждж йовхд ик дем болджань лавта.

Болв зäрм райодт öвс хадлгьнд олн күүч-көлсчнр дунд политическ кöдлмш öргär кехд оньг эс тусхагдсн йовдл үзгджджәнä. Приозерн района күүч-көлсчнр олна малд хойр джилд күүрх хот белдхмн гидж дуудвр кегъäд, ик сән седвär гаргьсмн. Болв района партийн комитет болн эклц партийн организацсн тер авсн даалгъвран күүцäхин төлä бүрдäмджин болн политическ кöдлмш öргär делгрүүлгь бүрдäсмн уга. Тегäд чигн район öвс хадлгьна кöдлмштән ода тангъгчд хамгин ард хоцрдждж йовна.

Лекционн кöдлмш зäрм райодт сулдснь үзгдджджәнä. Сарпинск районд, үлгүүрнь, 113 лектормуд болн докладчикүүд бäәнä,

болв эдн эн джилин 6 сарин туршарт гурвад лекцс чигн умшгхасн уга. Приозерн районд болхла хошад чигн лекцс лектор болгьнд ирхш. Иим үлгүүр талин райодар чигн бäәнä. Партийн, советск гардврч кöдлäчнр, селәнä эдл-ахун специлистнр лекцс болн докладс цöөгъар умшгхана.

Сүүлин цагт партийн организацсн кöдлмшин түүрүн нүүрт йовцхадг улсин дамшлтиг тархахин кергт, тиим улсиг күүч-көлсчнрлä харгьулдждж күүндвр келгь бүрдäлгьнд öгдг оньган сулдхцхав. Эднä дамшлтинь негдүүлäд, диг-дарата болдгар кедж тархалгьнд оньг сулар тусхагднä.

Социалистическ дөрлдä бүрдäлгьнд ик дуту-дунд бäәнä. Партийн организацсн дөрлдäг бригадст, фермст, тодрха төр öмннь тавдждж келгьнд килмджджән тавхш. Дөрлдәнä дигинь келгьн, нег негән шүүдждж хälälгьн тасрлтан угагъар кегдхш. Сарпинск района «Гигант» колхозин фермсин кесг саальчнрнь кенлä дөрлдä кеджәхән, ямаран даалгъвр авцхасан медхш. Иим үлгүүрс нань колхозмудт болн совхозмудт чигн үзгднä.

Тангъгчин селәнä эдл-ахун кöдлäчнр, цуг күүч-көлсчнр малд хотин көрнь бүрдäлгьнä болн тәрәнä ургьгь хуралгьна даалгъврта маш ик керг күүцäдждж йовх цагт олн дунд кедг политическ кöдлмшиг улм öөдән девснүүр гаргьдждж делгрүүлх — партийн организацсин нег ик төрнь.

Н. КРАВЧЕНКО,

КПСС-н тангъгчин комитетин
инструктор.